

## منايا أوصلك .. الحلقة ( 20 ) .. " سلسلة منايا أوصلك " ..

### #الطريق\_إلى\_الله .. د . حازم شومان

حازم شومان

السلام عليكم رحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على عبدك ونبيك وحببيك ووليك وصفيك ورسولك وخليلك محمد صلى الله عليه وسلم - [00:00:00](#)

ثم اما بعد احد الشعراء وقع في غرام فتاة من الفتيات. فبدأ يكتب فيها الشعر من ضمن الابيات اللي كتبها لها فيقول لها طرقت الباب حتى علمتني فيقول لها انا فضلت واقف على بابك. اخبط على الباب عشان تفتحي لي لغاية ما ايدي وقفت. يا جماعة ده مخلوق وقف على باب مخلوق. كل - [00:00:30](#)

المدة دهي انت مستعد تقف على باب الخالق قد ايه. انت مستعدة تقفي على باب ربنا لغاية ما يفتح لك قد ايه. تخيلوا واحد يقف على باب واحدة قد ايه - [00:00:51](#)

تفتح له. خطيب يقف على باب خطيبته او باب ابو خطيبته قد ايه. واحد يقف على باب واحد عشان يتوسط له عشان يجيب له شغلانة. يقف على بابيه قد ايه؟ احنا مستعدين نقف - [00:01:01](#)

على باب ربنا قد ايه عشان ربنا يفتح لنا. اتكلمنا عن الجنة والنار في بداية الهداية بفضل الله. كثير. عايزين نتكلم عن ربنا لان الكلام عن ربنا هو اخطر حاجة بتغير القلوب - [00:01:11](#)

لو ما عرفناش ربنا ايه معنى حياتنا؟ احنا عايشين ليه؟ ايه هدف حياتنا؟ ايه قيمتنا؟ احنا عرفنا ايه لو ما عرفناش ربنا. ولكن لو عرفنا ربنا هنسبت صح هنسبت للاخر - [00:01:21](#)

هنصبر للاخر. لو عرفنا ربنا هنوصل لربنا سبحانه وتعالى. انا باتكلم عن ربنا ليه؟ مش عشان كلمتين حلوين والبرنامج يخلص. انا باتكلم عن ربنا عشان قلوبنا تنزل انزل لما تسمع كلمة الله عشان قلب العاصي يتزلزل وينسى في اي معصية في حياته. عشان اللي في قلبه مرض ينزع اي مرض من قلبه باذن الله. عشان اي انسان - [00:01:31](#)

يا جماعة يعرف ايه هدفه في الحياة واياه طريقه في الحياة. عشان الملتزم يعرف ان الركض الى الله هو الحاجة الوحيدة اللي لها قيمة في الحياة. والا فكل شيه تاني - [00:01:51](#)

سراب انا بتكلم عن مين؟ انا بتكلم عن اللي لما سيدنا ابراهيم عرفه دخل النار وهو يقول حسبي الله ونعم الوكيل كفاية علي انت يا رب تسبب الدنيا كلها - [00:02:01](#)

وتقول انا سايبها وكفاية علي انت يا رب. تقف في وش الدنيا كلها وتقول كفاية انك معي يا رب. تنطلق الى الله وتقول كفاية ان انا اخرج من الدنيا بك يا رب. انا باتكلم - [00:02:11](#)

اللي لما عرفوا الحجر جبل الطور اتفتت من معرفته. انا بتكلم عن اللي لما عرفته الملائكة الاف السنين سجدة. في ملكوت السماوات يوم القيامة ترفع راسها تقول سبحانك ما عبدناك حق عبادتك. انا بتكلم عن اللي واحد قتل ميت نفس لما عرفوا قتل ميت نفس. كل نفسك دار مظلم حوالين قلبه - [00:02:21](#)

ولما جه شعاع من نور الله شق الميت جدار. لما اجيش واقع من حبي الله وجلال الله شق الميت جدار. ودخل قلبه بقى ملك الموت

بينزع روحه من عرق عرق - 00:02:41

عصب عصب وهو ييزحف وبيقول انا نفسي اوصل لك. بقى ملك الموت يا جماعة متخيلين المنزرا! وهو لوحده في الصحراء والصحراء حواليه والسما فوقيه وملك الموت بينزع روحه وهو ييزحف ويزحف ويزحف وقلبه بيسرخ منا يوصل لك. مناة يوصل لك يا رب. مناك - 00:02:51

توصلي لربنا هناك توصلي لربنا سبحانه وتعالى. يا جماعة يا جماعة لو شفنا جلال ربنا بقلوبنا هيحصل ايه؟ هنعمل ايه؟ نفسك مش نفسك يرضى عنك؟ مش نفسك يقبلك مش نفسك يفتح ابواب السماء لدعائك؟ مش نفسك تحس انك ماشي في الدنيا وربنا سبحانه وتعالى معك؟ مش نفسك تتصالح مع ربنا سبحانه وتعالى؟ مش نفسنا يا جماعة لو متنا - 00:03:11

دلوقتي نقابل ربنا وهو راضي عننا. عايزين نقول له مولانا يوصل لك يا رب. يبقى شعار حياتنا مناي يوصل لك. هاقف على بابك بس اوصل لك بس اقبلني. اقبلني يا رب - 00:03:31

هعمل كل حاجة توصلني لك ما تقبلش. هسيب كل حاجة تعطلني عنك بس اقبلني. هقف على بابك طول عمري بس اقبلني يا رب. منايا يوصل لك يوصل لك الشعار بتاعنا في الايام القادمة يا جماعة واحنا منطلقين على رمضان وجايين على رمضان. عايزين نوصل لربنا قبل رمضان لسه على رمضان شهر ونص. ازبطوا الساعات بتاعتكم خلاص - 00:03:41

شهر ونص على رمضان. عايزين نوصل لربنا بقلوبنا قبل رمضان عشان في رمضان نعبده صح. فيبقى نقلة حقيقية في حياتنا. انتم عارفين احنا عاملين زي ايه؟ عارفين عربية ماشية على طرف جبل. طريق على جبل. العربية فجأة حودت نصها بقى على المنحدر بقى في الهوا ونصها سابت على الارض. اقل زقة ولا حاجة - 00:04:01

هتوقعها تهوي. احنا قلوبنا عاملة كده. وما لناش انقاذ غير معرفة ربنا. مفتاح تغيير حياتك وتغيير حياتك هو معرفة ربنا. سبحانه وتعالى. يا جماعة عايزين نقف على باب ربنا اكثر ما نستطيع سبحان الملك الجليل. اه لو عرفناه. اه لو عرفنا هو رحيم قد ايه. اه لو عرفنا بيحبنا قد ايه. اه لو عرفنا وهو - 00:04:21

فرحان بنا الوقت واحنا بنسمع عنه وبنتكلم عنه قد ايه. اه لو عرفنا نعمه علينا قد ايه اه لو عرفنا قدرته وعزمته وحكمته احنا جهلنا بالله هو سبب كل مشاكل حياتنا - 00:04:41

جهلنا بحكمته هو اللي خلانا نسقط في الابتلاءات لما بيتلينا. جهلنا برحمته هو اللي خلانا مش قادرين نحبه سبحانه وتعالى. او كتير منا مش قادر يحبه. بقى يا جماعة يا جماعة التوبة عندنا توبة باردة التزام بارد. زي ابن سببه من عشرين سنة. واخيرا راجع لابوه فابوه مشتاق وفرحان به وبيجري عليه. الابن قام مادد ايده كده - 00:04:51

التزام بارد. التزام بارد ما فيش لقاء حب حار صادق في قلبك تجاه الله وانت راجع اليه. جهلنا بقدرته هو اللي بيخلي واحدة ما خلقتش خمس سنين طول ما معقول اخلف! هو معقول اتجوز بعد ما كبرت! هو معقولة تفرج بعد ما قفلت! جهلنا بقدرته جهلنا بعقابه هو اللي خلانا نتجرأ عليه في المعصية! جهلنا - 00:05:11

طب عظمتة هو اللي خلانا نستكثر ركعتين سرحانين في ثلاث ترباعهم. لما نصليهم لربنا في جوف الليل. المعرفة الله هي اللي هتقلب حياتنا. عشان كده ليلة مونانا نوصل لربنا. منانا نوصل له بقلوبنا للملك الجليل سبحانه وتعالى. النهاردة يا جماعة - 00:05:31

هنتكلم عن عظمة ربنا قد ايه قد ايه ربنا عظيم قد ايه ربنا رحيم قد ايه ربنا كريم قد ايه ربنا غني اه لو عرفت قد ايه عقوبة ربنا بالعاصي - 00:05:48

اه لو عرفت قد ايه رحمة ربنا بالطاعة. قد ايه فرح ربنا بالتائب. اه لو عرفنا يا جماعة انت عارف فرح ربنا بك قد ايه فرح ربنا بي انا حديس يزلزل القلب يزلزل اي قلب حي. اهتز العرش لموت سعد بن معاذ. لقيت زيادة - 00:05:58

صحية جامع النبي عليه الصلاة والسلام بيقول فيها اهتز العرش لموت سعد ابن معاذ من فرح الرب عز وجل. ربنا فرحان ربنا ممكن يحب عبده للدرجة دي! ربنا ممكن يفرح بك يوم لقاءك به للدرجة ديت. اللي بيفرح بلقائك لدرجة ان اضخم مخلوق في الكون بيتهز من فرحه - 00:06:18

اللي بيفرح بتوبتك. لدرجة ان الرسول بيقول لله افرح بتوبة احدكم من رجل كان معه بعير ومعه الزاد وفي الصحراء لوحده. الزاد كله راح والبعير ضلت وخلاص هلك. نام تحت شجرة شوية بيفتح عينه. لقي الزاد قدامه والبعير قدامه. الراجل ما قدرش. العلماء بيقولوا لو كان فيه فرحة في الدنيا اكثر من دي - [00:06:38](#)

كان النبي عليه الصلاة والسلام عبر بها عن فرح ربنا بك لو رجعت له عن فرح ربنا بك لو رجعت له انت مين؟ انت مين عشان ربنا يفرح بك كده؟ احنا مين؟ ده احنا عبید ما - [00:06:58](#)

يا جماعة ولكن شف فار اللي بيفرح بلقاءك للدرجة دي. اللي بيفرح بتوبتك للدرجة دي. اللي بيفرح بعبادتك لدرجة انك لما بتعبده صح ولا بتسجد له وتبكي يجمع الملائكة ويباهي بك الملائكة. اللي بيفرح بنجاتك في الآخرة. لدرجة ان سيدنا علي لما فهم هذا الامر قال لو خيرت بين ان يحاسب - [00:07:08](#)

امي وابي يوم القيامة. وبين ان يحاسبني الله لاخترت الله. ليه؟ يعني انت يا اللي في سانوية عامة ربنا اللي يصحح لك ورقتك ولا امك وابوك؟ امك وابوك لأ ربنا ليه؟ ربنا ارحم بك من امك وابوك. انت عارف فرح ربنا؟ طب انت فرحان به؟ انت فرحان به؟ بلال ابن رباح وهو بيموت. مراته بتقول وحزناه. قال لها قولي وا فرحتاه - [00:07:28](#)

انت لو جالك ملك الموت الوقتي هتقول يا فرحتاه. رسول الله وهو بيموت. ابو بكر بيبيكي. عائشة بتبكي. كله بيبيكي. والرسول عليه الصلاة والسلام بيقول بل الرفيق الاعلى الرفيق الاعلى اني خيرت بين لقاء ربي وبين الدنيا والخلد فيها فاخترت لقاء ربي والجنة. فرحان وهو رايح لربنا سبحانه وتعالى. طب - [00:07:48](#)

فرحان بك انت مشتاق له مشتاق لربنا نفسك تشوفه شف الرسول عليه الصلاة والسلام بيقول للصحابة ايه انكم سترون ربكم. الصحابة طبعا فرحوا الرسول قال لهم استنوا ايه فان استطعتم الا تغلبوا على صلاة قبل طلوع الشمس اللي هي الفجر. وصلاة قبل غروبها اللي هي العصر فافعلوا. الرسول ربط النظر - [00:08:08](#)

لوجه الله بصلاة العصر والفجر ليه؟ لان الفجر اللي هو بييجي في الليل الناس نايمة بالليل الليل ده وقت الشهوات اللي سهران مع مراته اللي سهران مع حبيبه واللي سهران في - [00:08:28](#)

واللي نايم واللي سهران قدام مسلسل وقت الشهوات. فاللي بيعطل عن صلاة الفجر الشهوات. انما النهار اللي فيه العصر وقت الشبهات الاسباب. ده في شغله وده في تجارته وده في محله وده في دراسته. فاللي بيعطل عن صلاة العصر لاسباب كأن الرسول بيقول عايز ما تحجبش عن ربنا. عايزة ما تحجبش عن ربنا. اوعى الاسباب - [00:08:38](#)

والشهووات تحجبكم عن ربنا. اوعى حاجة تحجبكم عن ربنا. اتنين انت عارف رحمة ربنا بك قد ايه؟ رحمته بك وانت لسة ما لسه ما اتخلقتش. قرأت في كتاب اسمه الكون - [00:08:58](#)

هو اللي في اجنبي بيقول تخيلوا لو كانت الجازبية الارضية اكثر مما هي عليه الان. فبيتخيل بيقول كان الانسان بقى مش طويل كده ورفيع بقى عريض وقصير مبسط يعني العرض بالعرض كده. وكان بقى حجم الانسان قد الفار. وكان طلوع السلم بقى عملية مستحيلة ما حدش يقدر عليها. وكان كوباية مائة لو قدامي وانا هموت من العطش - [00:09:13](#)

مدي الكوباية مش قادر الجازبية قاعدة تشد ايدي وكان لو الواحد وقع وقعة يموت فيها ليه؟ لان الجازبية دلوقتي ضعيفة. فبتقع بالراحة. لو الجازبية شديدة اول ما تقع الارض تشدك. تقوم الدماغ تتقسم او العضم يتكسر - [00:09:33](#)

يا اخوانا ربنا رتب لنا كل حاجة قبل ما نيحي. ده دي حاجة مليون حاجة وحاجة ربنا رتبها لنا. زي ما الام بتلبس ولادها لبس خفيف في الصيف احسن يحرروا. لبس ثقيل في الشتا احسن - [00:09:47](#)

ربنا يرتب لك كل حاجة. ده رحمته بك مش من قبل ما تتوب. بيامر ملك الحسنات انه يكتب الحسنة فور عملها. انما ملك السيئات ست ساعات. ما يكتبهاش ليه لعلك تتوب. لعلك ترجع لله سبحانه وتعالى. رحمته بك سبحانه وتعالى. رحمته باللي جاي له. باللي

بيقول له عاوزك يا رب. حديس قاتل الماء يا جماعة - [00:09:57](#)

اللي قتل مائة نفس. ده ده مش سرق. ده مش زنا ده قتل. ده مش قتل نفس. ده قتل ميت نفس. واللي قتل ده لابد اتعمل

كل الكبائر الثانية. يعني اللي قتل ده ما سرقتش - [00:10:17](#)

الله! واللي قتل ميت نفسه ده ما قتلهمش في يوم! ده بالتأكيد قاعد طول عمره يقتل! يعني الراجل ده صحيفته متخيلين شكلها ايه!  
بس لما جا له وقال له عاوزك يا رب وجا له - [00:10:27](#)

قلبه ربنا فتح له الابواب كلها. بس ده انا ما فيش عضو فيها ما اقصدهش به ربنا. الابواب كلها مفتوحة. بس ده انا ما فيش مكان ما  
عصتتش فيه ربنا الابواب كلها مفتوحة - [00:10:37](#)

بس ده انا ما فيش معصية ما عملتهاش في حق ربنا. الابواب كلها مفتوحة. راح لراهب من الرهبان قال له ما لكش توبة. قتله. قتله.  
ارتكبت نفس الجريمة اللي راح - [00:10:47](#)

منها راح لعالم من العلماء قال له ومن يحول بينك وبين التوبة؟ بس انطلق للارض الفلانية اللي فيها الصحبة الصالحة وسب الارض  
بتاعة المعاصي اللي انت عايش فيها. الراجل انطلق يا جماعة وهو في الطريق ملك الموت نزل مات - [00:10:57](#)

نزلت ملايكة الرحمة وملايكة العذاب مين اللي هياخده؟ فاوحى الله لهذه الارض اللي بينه وبين ارض المعاصي ان تباعدي. ولهذه  
الارض اللي بينه وبين ارض اه انت قاري. فربنا عمل له المعجزة دي ليه؟ لانه جا له. لانه ساب بلده ووطنه واهله واحبابه وجاله. لانه  
هو بيموت بدل ما يحدو ظهره - [00:11:10](#)

ويرجع تاني يدور على حد ينقزه فيدر مكمل لانه عايز يوصل لربنا. فربنا اجرى له المعجزة دي سبحانه وتعالى. الناس دي لما بتوب  
بتبقى حرقة قلب لاهل الباطل الناس دي لما بتتوب زي الفنانين لما بيتوبوا والمغنيين لما بيتوبوا لان قدامه الدنيا وشهوتها وفتنها. اما  
بيسيب كل ده عشان ربنا بيبقى فضيحة للدنيا. ان الدنيا كلها - [00:11:30](#)

ما تستاهلش سجدة واحدة. بين ايدين ربنا في التلت الاخير تنزل من عينيك الدموع. وانت بتقول له اقبلني يا رب. عاوزك يا رب.  
الراجل ده يا جماعة لما قسوا المسافة ما بين ارض - [00:11:50](#)

المعصية وارض الطاعة ما بين جسته والارضين في وجدوه اقرب لارض الطاعة بشبر فقبضته ملائكة الرحمة. خطوة خطوة كانت  
فرق بين ان تقبضوا ملايكة العذاب او الرحمة. خطوة كانت فرق بين ان قبره يبقى روضة من رياض الجنة او حفرة من حفر النار.  
خطوة كانت الفرق بين انه يدخل - [00:12:00](#)

اخترت لذ طعام الزقوم واليحموم وبين انه يدخل جنات فيها فاكهة مما يتخيرون ولحم طاهر مما يشتهون. خطوة كانت بينه وبين  
انه يصاب من فوق رأسه وبينه وبين انه يسكن في الفردوس الاعلى في جوار عرش الله سبحانه وتعالى. خطوة ممكن يكون بينك  
وبين عطاء ربنا وفتح ربنا وقبول ربنا خطوة. خديها - [00:12:20](#)

عشان تقربي منه. ممكن يكون بينك وبين النجاة في الاخرة من كل المعاصي اللي عملتها خطوة. خطوة في التزامك تاخذها جديدة.  
انت عارف رحمة ربنا قد ايه؟ انتم عارفين رحمته - [00:12:40](#)

دي يا جماعة رحمته اعظم رحمة من ربنا الجنة. الجنة لما دخلت في قلوب الصحابة عملوا ايه؟ ما قالوش ده فرض ولا سنة. ابن عمر  
لما النبي قال له نعم العبد ابا عبدالله لو كان - [00:12:50](#)

يقوموا من الليل. ما قالوش ليه يا رسول الله؟ هو قيام الليل فرض ولا ايه؟ لا طبق لانه عايز جنة. عايز جنة يا جماعة. معاذ ابن عفراء  
رضي الله عنه كان كل ما يجي له فلوس يتصدر - [00:13:00](#)

يتصدق اكل يتصدق. فمراته خلفت فكلمت اخواتها يكلموه كلموه يا عين حاجة لولاده. فقال لهم ايه؟ قال لهم ابنت نفسي الا ان استتر  
بكل شئ اجده من النار. الله! ابنت نفسي مش قادر. ده عاطفة قهرية. مش قادر - [00:13:10](#)

الشاب دلوقتي بيقول ابنت نفسي الا ان افعل كل شئ يردني النار والعياذ بالله. انما بيقول انا مش قادر انا اي حاجة هلاقيها هقفل بها  
باب النار عني. انا مش قادر اي حاجة الاقيها عاملها ستار بيني وبين جهنم ربنا ينجيني بسببها. شايفين يا اخوانا الناس دي فكرت  
ازاي؟ شايفين احلام اليقظة بتاعتهم بقت ايه؟ لما صحابي راح للنبي قال له - [00:13:30](#)

الجنة بييجي منين يا رسول الله بيتعمل ولا بيطلع؟ بييجي منين يا رسول الله؟ احلام اليقظة بتاعتهم نفسها اتغيرت. انت مرة قعدت

تحلم؟ مرة قعدت تحلمي هتبقني في الجنة شكلك ايه؟ مرة قعدت - [00:13:50](#)

لما تبص من بلكونة القصر بتاعك في الجنة هتشوف ايه؟ الناس دي عاشت يا جماعة دين. عاش الدين فعلا في علاقتها بالله سبحانه وتعالى. عشان كده الصحابي كان يروح للنبي يقول له - [00:14:00](#)

اي الصدقة افضل؟ عايز احسن حاجة. انت تروحي للنبي تقولي له اي الحجاب افضل؟ حجاب امهات المؤمنين. مهما كنت جميلة. مهما كانت الناس بتبص لك. مهما كنت هتضحك في حجابك لو لبستيه. وانت تقول يا رسول الله اي الالتزام افضل ان تلتزم وان شاب

صغير. لسة لصحتك ولسه تقدر تعبد ربنا وتخدم دين ربنا - [00:14:10](#)

سبحانه وتعالى طبعاً او كبير او المهم تقبل على ربنا بصدق. بصدق في الاقبال على الله سبحانه وتعالى. انت عارف انت عارف رحمة بك قد ايه. انت عارف فرحه بك لو اقبلت عليه قد ايه. انت عارف حب ربنا لك قد ايه. انا انا ربنا - [00:14:30](#)

يا جماعة الرسول عليه الصلاة والسلام لقي امرأة في السبي لقت ابنها بعد ما تاه منها خدته وضمته وحضنته. الرسول عليه الصلاة والسلام قال لهم نسأل للصحابة ارايتم ارايتم هذه طارحة ولدها في النار؟ لا يمكن طبعاً يا رسول الله. قال لهم لله ارحم بعباده من

هذه بولدها. يعني ربنا بيحبني انا اكثر - [00:14:48](#)

من امي وابويا اه طب اكثر قد ايه يعني اكثر بكتير ولا قليل ولا اسمع بقى الحديث الثاني قسم الله الرحمة مائة جزء. انزل في

الارض جزءاً واحداً وجعل عنده تسعة وتسعين جزءاً. فمن هذا - [00:15:07](#)

جزء تتراحم الخلائق. يعني ايه؟ يعني حب امك وابوك لك زرة من واحد في المية من حب ربنا لك. يعني حب مراتك واولادك فيك زرة من واحد في المية من حب ربنا لك. لما حب سيدنا ابراهيم اتخذه خليل. لما حب سيدنا ابراهيم رزقه الزرية على كبر وكان

مستحيل يخلف - [00:15:24](#)

لما حب سيدنا ابراهيم افاض عليه في المال لدرجة لما جا له وفد الملائكة ويحسنهم ضيوف دبح لهم عجل فوراً. يعني بيقدّم بالعجل سيدنا ابراهيم شاف الكرم والغنى محبة سيدنا ابراهيم نجاه من النار. نجاه من النمرود. نجاه من ملك مصر الزالم. نجاه من كل اللي

وقفوا في طريقه. لما حب ابراهيم. لما حب سيدنا موسى - [00:15:44](#)

كله بدون حجاب بدون بدون واسطة. لما حب سيدنا موسى شق له البحر. لما حب سيدنا موسى قال له اني اصطفيتك على الناس. وانا اخترتك واصطنعتك لنفسني لما حب سيدنا محمد قال له لعمرك انهم لفي سكرتهم. لعمر دي ازهلت العلماء. ربنا بيقسم بحياة

النبي عليه الصلاة والسلام. اه. لانه عمر - [00:16:04](#)

كله طاعة. انت قضيت عمرك في ايه؟ قضيت عمرك في غفلة؟ ولا اعمال لا فيها طاعة ولا معصية؟ ولا في معاصي قضينا عمرنا في

ايه يا جماعة؟ تسوي عمرك عند ربنا قد ايه - [00:16:24](#)

لما حب سيدنا محمد قال له فلنولينك قبلة ترضاها. قال له فانك باعيننا. لو ربنا حبك هيعمل لك ايه؟ لو وصلنا له منانا نوصل لك يا رب وصل قلوبنا لك يا رب خلي قلوبنا تسجد تحت عرشك يا رب. افتح قلوبنا على رؤية جلالك وكمالك يا رب. خلينا من اهل معرفتك

يا رب - [00:16:34](#)

وصلنا واقبلنا وافتح لنا الباب يا رب. مولانا بيوصل لك كلنا يا رب. انت عارف نعمة ربنا عليك قد ايه. قابلت احد الفضلاء وكان له قريب آآ مريض يعني يعني كان مريض شديد فيبكلمني باسف بيقول لي المرض ده الاعصاب اللي ما بين المخ وكل اعضاء

الجسم بتضمر فجأة وتموت. فيبدأ الجسم يدمر. بيقول في الاول - [00:16:55](#)

اول مرحلة اتشل ايديه ورجليه ليه؟ لانه ما عدش خلاص آآ الاعصاب بتاعتهم دمرت فالعضلات دمرت باز. قال بعد كده ما عدش بيقدر ينطق ليه؟ عضلات اللسان قال بعد كده ما عدش بيقدر يبلع ليه عضلات البلع ضمرت قلت يا نهار ابيض! ايه ده! ده الواحد

بيشرب كوباية الماية ويبلع ما هوش حاسس بنعمة البلع. الراجل ده - [00:17:15](#)

بيبتليه عشان يرحمه بالجنة ويرحمنا انه يعرفنا مدينا نعم قد ايه مش حاسين بها. مؤسسات المستشفيات اللي مالية بلادنا كل مريض نايم بيزكرك بيزكرك بنعمة ما احناش حاسين بها. الواحد بيقتد يفتكر يا جماعة كم مرض درسناه بيصيب الكلى؟ ربنا معافينا منه.

وكم مرض درسناه بيصيب القلب؟ ربنا معافينا منه - [00:17:35](#)

بيصيب الكبد وربنا معافينا منه. وكام مرة درسناه بيصيب المخ والاعصاب وربنا معافينا منه. احنا ربنا معافينا من ايه ولا ايه يا جماعة؟ انت عارف قدرة ربنا العزيز قد ايه؟ ياه لأ دي واقفة بقى. واقفة مع قدرة الملك الجليل. سنة الف تسعمية وعشرة لما مذنب

هالي جه - [00:17:55](#)

فالعلماء قالوا بعد ستة وسبعين سنة المذنب ده هيرجع للارض تاني. الف تسعمية سنة وتمانين في نفس الشهر. في نفس اليوم في نفس الساعة في نفس اللحظة ظهر مسمى بهاني تاني. ايه ده! يا اخوانا ده ملكوت يا اخوانا ملكوت متحكم ربنا فيه بالسانية. ملكوت.

الشمس لو خرجت من المدار هيحصل ايه؟ مصيبة على الشمس وعلى المجموعة الشمسية - [00:18:14](#)

انت لو خرجت من مدارك. انت لو خرجت عن حكم ربنا يحصل ايه؟ انت لو خرجت من حكم الملك هيحصل ايه؟ ما نقدرش. ميت مليار مزن بيجوبوا الكون المرئي عشان ربنا يفكر يفكرنا يا جماعة انه قادر انه يرجم كل شيطان بهم. وقادر انه يرجم اي عاصي بهم

لو عصاه سبحانه وتعالى - [00:18:34](#)

انت عارف قدرة ربنا قد ايه؟ قدرة الملك الجليل العظيم سبحانه وتعالى قد ايه؟ انت عارف القدرة يا جماعة ما لفتش اللي بيجمده ربنا اللي بتعصي ربنا اللي بيعصي ربنا. اللي معرض على ربنا. اللي بيحب صاحبه اكثر من ربنا. اللي بتحب اللي بيخاف من مدير

الشغل بتاعه اكثر من ربنا. ما لفتش نظرهم؟ ما لفتش نزرهم القلب - [00:18:54](#)

اللي بيفضل ينبت طول عمره ما يقطعش ما يقطعش مرة. ما فيش مكنة في العالم بتعمل كلى. ما لفتش نزرهم اربعين مليون نبضة قلبك بينبضها كل سنة بدون توقف. ولما تيجي السنة اللي بعدها ينبض اربعين مليون نبضة تانية بدون توقف. ما لفتش نظرهم مية

واربعين مليون كاميرا في العين عشان تلقط الصورة احسن ما تكون - [00:19:14](#)

تقف الوقت تشوفني الوان زي ما انت شايف كده ما لفتش نظرهم ما لفتش نزرهم ثلاثين الف جهاز ساوند متركة في الودان. خلايا

سمعية عشان تسمع الصوت بالزبط. ما لفتش نزره - [00:19:34](#)

يوم اتنين ونص مليون فلتتر ترشيح لدمك من السموم في الكلى عشان دمك يفضل نقي وطاهر. ما لفتش نزرهم خمسة وعشرين مليون كرة دم حمرا بتجوب دمك تنقل الاكسجين والغذاء والاكسجين لكل ذرة لكل خلية في جسمك؟ ما لفتش نظرهم ازاي؟ ما لفتش

ازاي ما لفتش نظرهم خمستاشر مليون - [00:19:44](#)

جهاز تكييف رباني غدد عرقية متركة في جلدك عشان تكييف درجة حرارة الجسم بتاعك. ازاي يا جماعة؟ ازاي ما لفتش نزرنا كل ده واذا كان كل ده ربنا عمله عشانك. انت عملت عشانه ايه؟ كل ده ربنا عمله لك. انت عملت عشان ربنا سبحانه وتعالى ايه؟ كل ده لو ربنا

حاسبك على واحد واحد من - [00:20:04](#)

دول بربع جنيه. يبقى عليك كم مليار اللي ربنا في الدقيقة اللي احنا كنا بنقول فيها المعلومة اللي فاتت دي؟ الدقيقة دي هي بس.

قلبك ضخ عشرين لتر دم للجسم. رئتك خدت نفس وخرجت - [00:20:24](#)

وعشرين لتر هوا اكسجين. مخك بعث الاف الرسايل للجسم عشان يتنبه ان الجسم تمام الجسم بيعت له يقول له تمام. جسمك ضخ وصنع تلتميت يوم كورة في دم بيضا عشان تدافع عن جسمك ضد اي ميكروب. اي اد من اي ميكروب او اي جسم نخيل. كلتك

رشحت لتر ونص دم من السموم. ده ايه! ده في الدقيقة بس - [00:20:34](#)

وانت قاعد مش حاسس باي حاجة. مش حاسس بنعم واسبغ عليكم غرقكم. واسبغ عليكم نعمه ظاهرة وباطنة والباطنة اعظم كمان من الزاهرة. يا سلام يا رب! يا سلام يا رب! اه لو تعرف قدرة ربنا قد ايه! قدرة ربنا الجليل. لما سيدنا ابراهيم دخل في قلبه -

[00:20:54](#)

الاحساس بقدرة ربنا دخل النار مش خايف. ربنا قال يا نار يا نار هو ربنا بيكلم ايه ده مش بيكلم ده مش عو كبريت ولا ده نار موقدة.

ربنا بيقول يا نار - [00:21:14](#)

هي النار عبد وبتتأمر! اه عبد لله! كوني ايه! كوني باردة! شوفوا ربنا عمل ايه! قلب النار جنة في لحزة يا جماعة! يا اللي حياتك نار

ابتلاءات ونار مشاكل ونار هموم يقلبها لك جنة. بس انت ايقرن بقدره الله. يا نار كوني بردا وسلاما. ايه المعجزة دي! دا معجزة بس ربنا عملها للناس مننا. احنا - [00:21:24](#)

احنا فيه ناس مننا حدث بالفعل معها كده حدث بالفعل. ازاي؟ النار بتاعة الالتزام اللي الرسول قال يأتي زمان على امتي يكون القابض على دينه كالقابض على جمرة الالتزام زي النار من كتر الفتن. ربنا جعلها للشباب برضو سلام - [00:21:44](#)

واجعلها للاخوات بردو وسلام. ليه؟ المالك قدير. عشان كده تلاقي اتنين. واحد قعد يصرخ ايه الفتن والتاني بيقول له فتن ايه يا ابني! انا مش شايف حاجة ليه؟ ربنا جعلها له برضه سلام - [00:22:02](#)

خذوا ايمان ابراهيم ينبت لكم في عصر الفتن جنات النعيم. خذوا ايمان ابراهيم ينبت لكم في الجامعة وفي المشايات والكورنيش ليلة الخميس والليل جنات النعيم. خذوا ايمان ابراهيم ينبت لكم في الاتنين وتسعين كيلو متر بعرض الساحل الشمالي اللي كلهم معاصي. والقرى بنتنتهك فيها معاصي الله سبحانه وتعالى - [00:22:12](#)

ينبت لكم فيها جنات النعيم. خذوا ايمان ابراهيم. وانتم ربنا يحول لكم الفتن دي كلها جنة. اليقين في قدرة الله. اوعى الفتن تحرق قلبك. احرقها انت. اوعى اوعى الواقع يفسدك اصلحه انت. اوعى يا حبيب قلبي انت الوقتي الالتزام بالنسبة لك جنة ولا نار؟ صعب ولا سهل؟ لو لسة نار انت لسة ما فهمتش. لسة يا جماعة لما ربنا - [00:22:32](#)

سبحانه وتعالى انه يخلي سيدنا موسى يروح لفرعون قال له ايه؟ وراه العصاية الاول بقت تعبان وبعد كده قال له رح لفرعون. انما سيدنا ابراهيم ربنا ما ورالوش نار الاول يترمى فيها - [00:22:52](#)

ما يتحرقش وبعد كده قال له رح اترمي في النار الثانية. ليه؟ سيدنا موسى مقامه جليل بس سيدنا ابراهيم فين بقى؟ سيدنا ابراهيم يعني لما تلاقي ربنا الابتلاء بيشتد عليه - [00:23:02](#)

ده ربنا بيصنعك لامر عالي وبيبعدك لامر عالي. ومقامك عالي اوي عن كل اللي حواليك عند ربنا. سبحانه وتعالى. احد احد الناس وحت في التليفزيون المصري من رمضانين او ثلاثة - [00:23:12](#)

اصيب بمرض في العصب العين اسمه اوبتيكاتروف في ضمور في العصب البصري. يعني مستحيل العصب لو باز خلاص. العصب لو ضم. مات خلاص ما بيجيش تاني. الراجل اتعمى وبتتابع مع دكتور عشر سنين ما فيش امل. جه في رمضان اشتقتني يشوف. نفسه يشوف. نفسه يشوف. نفسه يفتح عينيه. جه قعد يدعي يدعي يدعي يدعي ربنا في رمضان - [00:23:25](#)

لغاية ما جه في ليلة ثلاثة وعشرين بدأ يدعي ويشد في الدعاء. ليلة سبعة وعشرين واقف في التهجد بيصلي ويبعد ربنا. فجأة لقي نفسه مفتوح. وحت في التليفزيون المصري وجهاز الرجل وجاء سبحانه الملك ازاي؟ الله قادر. طب ربنا بيعمل كده ليه؟ عشان يرجع لنا يقينا بقدرة ربنا اللي فوق الاسباب - [00:23:45](#)

زي الفتاة المغربية ليلي. ليلي المغربية البنت اللي ما كانتش ملتزمة ولا محجبة ولا لها علاقة بربنا سبحانه وتعالى. ليلي متجوزة شاب زيه زيتها. فجأة تبدأ تحس السدي الايسر بكورة كده او كلكيعة تروح تكشف في المغرب تفاجأ ان ان بيقولها سرطان. طب وبعدين لازم هتاخدي علاج كيماوي ولازم هيستأصل والعلاج الكيماوي - [00:24:05](#)

شعرك وهيحصل وهيحصل! طبعا اترعبت! راحت على بلجيكا! اهو من المغرب لبلجيكا! شوفوا بقى يا جماعة! دي هتطلع من المغرب على بلجيكا! راحت بلجيكا! قالوا لها ما ينفعش لازم الكلام ده! رجعت وما رزتش تاخذ دواء - [00:24:25](#)

ست شهور لقت نفسها بتخس وتعبانة ومش قادرة طب تعمل ايه؟ طلعت تاني على بلجيكا. المغرب بلجيكا بلجيكا. انا عايزك تتابع الرحلة بتاعتها. لغاية ما وصلت لربنا سبحانه وتعالى. اللي - [00:24:35](#)

الجينة اليه بالابتلاء. راحت تاني قالوا خلاص الورم انتشر للرئتين والموضوع انتهى. وقالوا لجوزها في السر دي ثلاث اسابيع وهتموت انتهت. فجوزها يعمل ايه؟ قال لها ياللا على طول فرنسا المغرب بلجيكا بلجيكا فرنسا طلعت على فرنسا. قالوا خلاص وما فيش امل وهنعمل ايه؟ وقالوا لجوزها ثلاث اسابيع ودي هتموت. جوزها يعمل ايه؟ قال لها نطلع على مكة - [00:24:45](#)

مكة ايوة مكة. يبقى التوهان في ارض الله ده كله جه في الاخر على مكة. لبيت الملك سبحانه وتعالى. لبيت الملك كلمة حج اصلا

يعني قصد يعني انا قصدك يا رب تحل لي مشاكلي. انت بتروح هناك تدعي اصلا. عشان ربنا يحل لك كل مشاكلك. طلعت بتقول اول مرة اتحجب. اول مرة البس لبسي الابيض. اول مرة - [00:25:05](#)

اشترى مصحف اول مرة اروح مكة. راحت هناك بدأت تعبد ربنا بتقول حسنت بحب لربنا رهيب. قالت لجوزي انا عايز اعتكف بدأت تعتكف وتبكي وتبكي وتبكي. بعض الاخوات بيقول لها انت بتبكي ليه؟ قالت لهم عشان حب ربنا اللي بدأت احس به وعشان السرطان اللي عندي. عندك سرطان بدأه ليل نهار يعبدوا ربنا مع بعض. ويشجعوها وتشجعهم - [00:25:25](#)

ادعوا ليل نهار وتقعده تستحمي في زمزم وتشرّب مية زمزم ولما شرب له فبقعدة كده اياك لدرجة ان كلهم اعتكفوا في الحرم ليل نهار يعبدوا ربنا سبحانه وتعالى بتقول كانت يعني بتغتصب بزمزم وتخاف تقرب ايدها من صدرها. ليه؟ بتقول عشان بيألمني وعشان ايدي ما تجيش على الكويرات والكلابيع اللي في السدي. وعشان ما اضغطش على السدي يطلع - [00:25:45](#)

يقطع دمه وينزل صديد يعني مش فبتقول ففي اليوم الخامس بدأت تتشجع كده بعد ما اغتسلت بزمزم جت تحط ايدها على صدرها مش حاسة بوجع جت تحط ايدها وتضغط تاني - [00:26:05](#)

مش حاسة الكويرات بدأت تضغط على حلبة السدي ما فيش دم ولا صديد. كانت هتتجنن. سبحان الملك هو رحمة ربنا ايه؟ ورحمة ربنا وقدرة ربنا للدرجة دي. جينا على زوجها ورتة بتقول له ما عدش فيه اي حاجة. جوزها خدها وتقول له على فرنسا. الدكاترة هناك بيقولوا لها مش ممكن! تكوني انت اللي الاشعة بتاعتك داهي! مش ممكن! قالت لهم انا رجعت لربنا - [00:26:15](#)

سبحانه وتعالى. جوزها قال لها ده الدكاترة قالوا لي ثلاث اسابيع وكان المفروض تموتي. بتقول له انا كان خلاص ما عدتش باقدر اخذ نفسي من انتشار الورم. ولكن الله قدير يا جماعة. انا - [00:26:35](#)

ايه الكلام ده ليه؟ انا باجيب قصة واحد اعمى وربنا بصره وقصة واحد عنده سرطان وواحدة عندها سرطان وربنا شفاها ليه؟ عشان نوقن في قدرة ربنا. بعد كل ده ببيجي ناس - [00:26:45](#)

عندها مشاكل ابسط من كده ومستصعبة انها تقول يا رب وان ربنا يحلها لها. بعد كل ده في ناس خايفة من ربنا. خايفين يقول لك انا لو التزمت ممكن آآ في بعض ملتزمين سقطوا في كل - [00:26:55](#)

يعني لما الواد حب البت وكان الاول عد الدفعة سقط في تاني سنة بعد ما حبها الناس ما خافتش من الحب ولا الشباب خاف من الحب. ولما واحد كان بيجيب اربعة وتمانين في المية - [00:27:05](#)

التزم جاب ثلاثة وتمانين ونص في المية قالوا لك الالتزام بناقص. ايه يا اخوانا ده! وواحد من وسط الف واحد. يا جماعة احنا خايفين من ربنا. خايفين ايه البنات اللي خايفة تكلم خطيبها انها تعمل فرح اسلام احسن يسيبها - [00:27:15](#)

ازاي يا جماعة؟ يا جماعة احنا فينا ناس لما بيعرض عليها ربنا يختار ربنا او الشهوات. بتختار الشهوات دي حقيقة وبتحصل وبتحصل مننا احنا كلنا احنا اللي بنتكلم. عايزين نختار ربنا يا جماعة. عايزين نختار ربنا. لو صلتك باصحابك اتقطعت مشكلة بس يعني هتعدني. لو صلتك بجوزك اتقطعت مشكلة بس - [00:27:25](#)

تعدني. انما لو صلتك بالله اتقطعت مصيبة. لو خسرت ما لك مشكلة بس هتعدني. لو خسرت صحتك لو خسرت شهادتك مشكلة بس انما لو خسرت ربنا انتهت ضعت من فقد الله فماذا وجد؟ عشان كده انا عايز اقول لكم قاعدة خطيرة جدا. عايز اقول لكم نصيحة -

[00:27:45](#)

في غاية الخطورة يا جماعة. عايز اقول لكم نصيحة لازم كل واحد مننا يحطها في قلبه ويحفرها بقلبه. على قدر مقام الله عندك على قدر مقامك عند الله. يعني ايه؟ يعني سيدنا موسى لما قال لربنا عجلت اليك ربي لترضى. انا مشتاق لك يا رب. انا سبقت كل الناس كلها في الشوق اليك يا رب. ربنا - [00:28:05](#)

فقال له يا موسى اني اصطفيك على الناس. وانا اخترتك من دون الناس كلها. على قدر مقام الله عندك على قدر مقامك عند الله. على قدر ما هيفتح عليك النصيحة الثانية اللي عايز انصحكم بها على قدر ما يكون همك هو الله على قدر ما ربنا هيكفيك هم كل شيه.

ان الذين قالوا ربنا الله ثم - [00:28:25](#)

استقاموا استقاموا. يعني ما التفتوش لاي هم. كل هم هم انهم يوصلوا لربنا. منا يوصل لك يا رب. ربنا بيقول تنزل عليهم الملائكة ايه ؟ الا تخافوا ولا احزنوا ما عدش فيه هموم. هكفيكم كل هم في الدنيا وفي الاخرة. من جعل همه هو الله كفاه الله هم كل شيء. مين اللي همه ربنا؟ انا - [00:28:45](#)

السلسلة دي ليه؟ واشمعى الوقت باذن الله؟ رمضان لسة عليه شهر ونص يا جماعة. يعني شهر ونص وشهر رمضان شهرين ونص. لو خدناهم علاقة مع ربنا وعلاقة مع القرآن حته هتتغير. رمضان يا امة محمد. رمضان اخطر نقلة في امة محمد كلها. كم واحدة اتحجبت في رمضان وكم واحد تاب في رمضان. وكم واحد عدل ربنا في - [00:29:05](#)

عايزين رمضان ده يبقى احسن شهر في حياتنا. يبقى نقلة حياتنا. نقلة عمرنا في علاقتنا بالله. بس لو دخلنا رمضان كده احنا لسة تعبائين ما ينفعش ندخل كده. يبقى من الوقت انا باتكلم - [00:29:25](#)

عن الوصول لربنا عشان نوصل لربنا بقلوبنا. ندخل رمضان نعبد ربنا صح. نعرف ننقل بقى. نعرف يعني الوقت الشهر ونص ده لازم ناخده معسكر ايماني في علاقة قلوبنا بالملك الجليل. رمضان يستاهل والله يا جماعة. اوعوا تخبروا. اوعوا تيجوا في اول رمضان تدموا انكم ما استعدتوش صح. ما ينفعش يا اخواننا ما ينفعش. لازم نجتهد - [00:29:35](#)

من دلوقتي في علاقتنا بالله علاقتنا بالملك الجليل سبحانه وتعالى. انا عايز انصحكم يا جماعة. اوعى تؤثر على الله شيء فيعذبك الله بهذا الشيء لا تؤثر على الله شيئا فيعذبك الله به. ربنا قال للمسلمين لما خدوا الفلوس واطلقوا اسرى بدر وكانوا المفروض يقتلوهم. قال لهم لولا كتاب من الله سبق - [00:29:55](#)

لمسكم فيما اخذتم عذاب اليم فيما اخذتم. في الفلوس اللي انتم خدتوها. العقوبة لما هتنزل هتنزل على الحاجة اللي انت اثرتها على مراد ربنا يعني ايه اللي مشي مع بنته اسرها على الله؟ لما هتيجي العقوبة هتكبره هتعزبه هيتجوزها وهتبقى شقاء حياته. هتموت هيحصل اي حاجة ليه؟ لانه اثرها - [00:30:15](#)

على ربنا سبحانه وتعالى. اوعى تؤثر على ربنا بنت. اوعى تؤثر على ربنا ولد. اوعى تؤثر على ربنا شهوة او فلوس او مركز. خلوا ربنا هو الاول في حياتنا يا جماعة. هو اعلى حاجة - [00:30:35](#)

في حياتنا هو اعلى حاجة في حياتنا. هو اللي حبه مالي قلوبنا وذكره مالي السننتنا. وطاعته مالية جوارحنا. هو ده العبد بقى. هو ده العبد. سبحان الملك الجليل انت عارف - [00:30:45](#)

قدرة ربنا قد ايه؟ انتم عارفين قدرته سبحانه وتعالى قد ايه ربنا قدير؟ سبحانه وتعالى قد ايه؟ قد ايه؟ انت عارف حب ربنا لك قد ايه؟ انت عارف رحمة ربنا - [00:30:58](#)

بك قد ايه؟ انت عارف فرح ربنا بك قد ايه؟ انت عارفة نعمة ربنا عليك قد ايه؟ انت عارف قدرة ربنا قد ايه؟ انت عارفة حكمة - [00:31:08](#)

ربنا قد ايه؟ ازاي؟ ازاي؟ لما واحد بيتلى يقول ليه يا رب ابتليتني؟ ابتلاك بايه؟ مرض! بقى لك ثلاثين سنة سليم. يبقى قبل ما تنطق وتقول ليه؟ اقعد ثلاثين سنة - [00:31:18](#)

المريض الاول عليك لربنا ثلاثين سنة عافية. عملت بهم ايه واشمعى ايام ما كنت معافى لما كنت بتشوف واحد مبتلى ما كنتش بتقول ليه؟ لما كانت عينيك سليمة وشفيت واحد اصيب في عينيه ما قلتش ليه وما اعترضتش ليه؟ لما كان مشكلتك سليمة وشفيت واحد فشل كلوي وما اعترضتش ليه؟ لما كان رئتك سالبة وشفيت واحد عنده سرطان ما اعترضتش لها.

انت عارف انت ربنا ابتلاك ليه؟ لان الاعتراض ده كان جواك بس مش زاهر - [00:31:42](#)

لانك كنت في عافية. ربنا ابتلاك عشان يطلعه قدام عينك. تصلحه يفرج عنك كل اللي انت فيه. بس صلح اللي جواك. نصلح اللي جوانا وربنا سبحانه وتعالى ولا يثبت لنا في الابتلاء جنات النعيم والفرج من عنده. انت عارف كرم ربنا قد ايه وغنى ربنا قد ايه؟ انا لو

فتحت لكم يا جماعة - [00:31:52](#)

خزنة اغنى واحد في العالم هتشوفوا ايه؟ يا نهار ابيض! السنة ديت والعقارات والذهب والفلوس والدولارات والريالات واليوروهاات

والاياه ده! ايه الاموال الكنوز دي كلها. اومال لو اتفتح خزايين ربنا هتشوف ايه! امال لو خزايين الملك اتفتحت هتشوف ايه يا جماعة!

هنشوف ايه في خزايين ربنا! انا فاكر كلام قريته لواحد من اغنى عشر - [00:32:12](#)

في العالم كان امريكي وكان بيتبرع بمليار دولار عشان حاجات بقى في المجتمع وحاجات بيتبرع بها وهو بيمضي بيقول بيكتب بيقول على نفسه انا وانا بمضي كانت ايدي بترتعش. ليه؟ لان المليار دول اللي اتبرع به ده هيخرج به من اكرت عشر اغنياء في العالم -

[00:32:32](#)

قلت سبحان الله! الراجل ده ربنا ادى له مئات المليارات. يعني الراجل ده وهو بيخرج الفلوس من خزته وبيرتعش. انما ربنا يعطي ولا الملياردير وهو بيطلع الجنيه ايديه بترتعش. انما ربنا بيعطي ولا يبالي. يا جماعة احنا واقفين على باب كريم. احنا الوقتي كلنا واحنا

بنتكلم عن الملك الجليل - [00:32:50](#)

وبنسمع عنه واقفين على باب كريم والله العظيم. انا عايز الليلة بالله عليكم الليلة يا جماعة الكريم الكريم ما تضيعش الفرصة دي علينا. الليلة من بعد الحلقة كلنا نقف على سجادة الصلاة كلنا بازن الله سبحانه وتعالى. بازن الملك انا وانتم وربنا يكرمنا بطاعته. زي ما

اكرمنا بنعمه. نقف على بابه على الكريم. نقعد نقول يا رب الدنيا. يا رب - [00:33:10](#)

بالاخرة يا رب الدين يا رب بلغنا رمضان يا رب اعنا يا رب اهدينا يا رب يا رب يا رب. عايزين يا جماعة الليلة دي لغاية الفجر ما

ننامش. لغاية الفجر نقف على باب الكريم سبحان - [00:33:30](#)

قد ايه كرمك؟ هو الانسان كان ايه في الاول؟ كان ايه؟ هل اتى على الانسان ها؟ حين من الدهر ايه؟ لم يكن شيئا ما كانش اي حاجة

خالص. طيب وبعد كده لما بقى حاجة بقى - [00:33:40](#)

ايه بقى حيوان. ايه! حيوان! حيوان منوي! ده مش كلامي! ده كلام العلماء! علماء الطبيب مسمينه حيوان منوي. حيوان منوي! اه طب لما تطور لأ ده تطور تطور خطير جدا بقى ما حصلش. انتقل من حيوان الى حشرة. حشرة ازاي؟ العلقه الحيوان المنوي بقى علقه. ايه

العلقه دي - [00:33:50](#)

العلقه دي دودة اصلا بتمص الدم. فهو بيبقى نفس الشكل ومتعلق في جدار الرحم. بالزبط كده وبيمص الدم. يعني ما من حيوان

لحشرة اه وبعدين فجعلناه سميعا بصيرا. ياه! ياه يا رب! شف ربنا نقلنا من ايه ليه! يا كرمك يا رب! يا ما انت كريم يا رب - [00:34:09](#)

يا بت كريم والكرم وفي الاخرة تخيل انت واقف في ارض المحشر والكل مرعوب وفجأة تسمع صوت صوت مين صوت الملك. الملك

بيقول ايه؟ بيقول وانا اغفرها لك اليوم انت بتقول في ايه ايه ده! يقول لك ده عبد عرض على الله. كل صحيفته سينات. ربنا اقره

على زنب زنب لغاية ما العبد حس انه هيهلك. ربنا قال له - [00:34:28](#)

وانا سترتها عليك في الدنيا وانا اغفرها لك اليوم. تلاقي الراجل يبصرخ يا ما انت كريم يا رب وبعد كده تسمع صوت الملك ثاني. الملك

بيقول ايه؟ لست اكرم بعدي مني. ده ايه ده؟ ده ربنا سبحانه وتعالى في واحد ما كانش معه - [00:34:48](#)

كان واقف دخوله على الجنة على حسنة هيدخل النار بسبب ان هو عنده سيئة زيادة عن الحسنات. قاعد يتزلزل في ارض المحشر

يدور على حد يدي له حسنة. قابل واحد ما حيلتهوش غير حسنة - [00:35:05](#)

واحدة قال له بص الحسد دي مش نفعاني في حاجة. خدها انت تدخل الجنة وانا كده كده خلاص مش مش نافع ادخل اصلا. ربنا قال

لست اكرم بعدي مني. ادخلوا انتم اللاتنين الجنة - [00:35:15](#)

يا نهار ابيض! اللاتنين يبصرخوا يا ما انت كريم يا رب. وبعد كده تسمع صوت الملك. الملك الجليل سبحانه وتعالى. خذ خذ بيد اخيك

الجنة. ايه ده! ده ايه ده! ده ربنا سبحانه وتعالى! جه واحد بعد ما عدى الصراط على القنطرة جاي يدخل الجنة لقي واحد واقف له!

استنى! ايه حقي! حقك ايه! انت زلمتني في الدنيا - [00:35:25](#)

حقي! اكيد انا انت لو خدت حقك مني! هاروح جهنم هارجع ثاني! هارجع ثاني اطراف جهنم حقي! وانا ما لي! ما ليش دعوة! طب انا

اترمى في جهنم وانا اعمل ايه - [00:35:45](#)

يرفع قصر منيف رهيب قدام المزلوم يقول له ان عفوت عن اخيك فلك هذا القصر. فيقول له عفوت يا رب خذ بيد اخيك وادخل

الجنة يدخلوا الاتنين بيصرخوا. يا ما انت كريم يا رب - [00:35:55](#)

يا ما انت كريم يا رب. كرم ربنا سبحانه وتعالى. عايزين الليلة نقف على باب الكريم. نقف ونقول له يا رب احنا رفعنا لنا ايديك. مش ممكن لا تنزل خائبة. والله العظيم. قل - [00:36:09](#)

قسما بالملك ما هتنزل فاضية. هتنزل انت هترفع ايديك لربنا وهتطلب على قدر ما تفهم. ربنا هيديك على قدر ما يعلم. سبحانه وتعالى. انت عارف انت عارف قد ايه كرم ربنا. انت عارف اللي قبلها قد ايه حكمة ربنا سبحانه وتعالى. الملك الجليل العظيم انت عارف - [00:36:19](#)

قد ايه عظمة ربنا عظمة ربنا ازاى؟ النبي عليه الصلاة والسلام بيقول ان ما من موضع اربع اصابع في السماوات السبع الا وملك راع ملك ساجد ملك بياخد قائم لله سبحانه وتعالى بيعبد الله - [00:36:39](#)  
الملايكة بتعبد. يعني ايه؟ انتم عارفين يا جماعة المنزر ده زي ايه بالزبط؟ عارفين منزر الحرم المكي ليلة سبعة وعشرين رمضان اه ده بيبقى حاجة موت. موت ممكن ناس ما تعرفش تكمل - [00:36:52](#)

اصلا من كتر ما الزحمة اللي فيها. الله! طب يعني نفس المنزر ده! بس استنى! الجزء اللي العلماء اكتشفوه لغاية دلوقتي في السماء الدنيا ستة وتلاتين مليار انا ضوئية. تخيل يعني انت لو مشيت بسرعة مشيت ركبت طيارة. بتطير بسرعة الضوء. فضلت ماشي بها ستة - [00:37:02](#)

تلاتين مليار سنة هتلاقي السماوات كلها منزر الحرم ليلة سبعة وعشرين في مكة هو منزر الستة وتلاتين مليار سنة ضوئية. ملايكة قاعدة تروح وتقول له سبحانه! يا نهار ابيض! ايه العزمة دي! ايه الجلال ده! ايه الكبرياء ده! سبحانه! وتلاقي بعد كل ده واحد كافر زي - [00:37:22](#)

يغندي يقول انا انا ام البقرة واله البقرة والعياذ بالله. بقرة! يعني لو واحد قال له يا ابن البقرة هيبقى فرحان جدا وحاس بالاعتزاز. وتلاقي واحد تاني هندوسي بتصور صورة وهو تحت بقرة والبقرة بتتبول عليه وفرحان قوي بالببول المقدس بتاع البقرة المقدسة بتاعته وهي بتتبول عليه. تسجد بقى وتقول له الله - [00:37:42](#)

اللهم لك الحمد يا رب. احد الاديان اللي موجودة دلوقتي يقول لك عند بلاد الصين كده يقول لك ان ربهم والعياذ بالله حاول يخلق الانسان اول مرة ما عرفش خلق حشرات. حاول - [00:38:02](#)

تاني ما عرفش جاب الحيوانات. حاول تالت جاب القروذ والنسانيس. في اخر محاولة اخيرا الرب بتاعهم والعياذ بالله عرف يجيب الانسان. تمسك المصحف ده هو بقى تمسك ده هو بقى الليلة وانت واقف وتمسكه وتبوسه وتحضنه وتقول الف حمد وشكر لك يا رب على نعمة الاسلام. الحمد لله يا رب انك ادبتنا - [00:38:12](#)

كتاب نقدر نعرفك منه يا رب. الحمد لله يا رب انك ادبتنا كتاب نقدر نوصل لك منه يا رب. الحمد لله يا رب انك ادبتنا كتاب يوصلنا شافيين كلام ربنا ان المسلمين والمسلمات والمؤمنين والمؤمنات والقانتين والصادقين والصابرين والخاشعين والمتصدقين والصابرين - [00:38:32](#)

الذين فروجهم والحافظات والذاكرين الله كثيرا والذاكرات. كلام ربنا يا جماعة من المؤمنين رجال صدقوا ما عاهدوا الله عليه. كلام ربنا يا جماعة. يا جماعة كلام ربنا ما نعيش معه - [00:38:52](#)

لو فتحت اي صفحة نور نور. فتحت اي صفحة اي صفحة في كلام ربنا نور. تضيعوا الكنز بتاع عمركم ليه؟ انت عارف ربنا عزيز قد ايه. يا ترى مقام ربنا في قلبك ايه؟ يا ترى ربنا بيمسك بالنسبة لك ايه؟ يا ترى انت حاسس بعظمة ربنا سبحانه وتعالى وكرم ربنا -

[00:39:02](#)

سبحانه وتعالى قد ايه؟ يا ترى يا جماعة احنا عايشين مع عزمة الملك الجليل سبحانه وتعالى قد ايه؟ انت عارف عقوبة ربنا قد ايه؟ عقوبة ربنا ايه احنا بنتكلم عن الرحمة والحب لا استنى. يا جماعة في القاهرة في السنوات القليلة اللي فاتت بس. ربنا ابتلاه بخمس عقوبات رهيبية. زلزال القاهرة الاول. اللي جه العصر - [00:39:22](#)

والناس اترعبت ما كانش فيه سلاسل في القاهرة. شوية زلزال القاهرة الثاني. اللي جه بعد الفجر والناس جرت في الشوارع. ثلاثة بعد كده جه سقوط المقطم لما الصخر وقع بتاع المقطم جبل يقع ليه؟ ايه ايه الحاجات بعد كده رقم اربعة بعث بعث الجراد فاكرين يوم ما الناس صحت في القاهرة لقت الجارات مغطي - [00:39:42](#)

ومغطي الشجر قالوا ايه؟ قالوا اصل الجراد آآ وهو مهاجر فبيدور على مناطق زراعية عشان طب والكهربا ما لها مناطق زراعية. والجراد قدامه صحراء ليبيا الصحراء ايه الجراد ايه اللي جابه؟ بعد كده ده تهديدات يا جماعة. كل دي رسايل. كل دي تنبيهاات من الله. بعد كده بعث الغربان ايه اللي خلى الغربان مالية البلد بتاعتنا؟ ايه اللي - [00:40:02](#)

خلى الغربان بالكسرة دي. ربنا بيقول فبعث الله غرابا. الحاجات دي ما بتجيش كده. الحاجات دي بتيجي لما الناس تبقى زي ابن ادم الطماع. اللي عايز الدنيا وناسي ربنا. سبحانه - [00:40:22](#)

تعال بعد كده العلامة الثانية الدخان لما ملئ سماء القاهرة والناس اترعبت وقالت ايه ده؟ قالوا ده قش الرز بيتحرق. طب ما قش الرز بقى له كزا الف سنة بيتحرق. اشمعنى الوقتي - [00:40:32](#)

السحابة الدخان المبين ده مش فيه صورة اسمها سورة الدخان؟ وده من تهديدات ربنا للناس. كل دي تحذيرات وتهديدات وانزارات من الملك. كل دي وبعد كل ده لسة بنتجراً على ربنا. يجرأة العصاة على الله. يا جرأتهم عليك يا ملك يا جليل. تلاقي البنت ماشية جريئة على ربنا في لبسها جرأة - [00:40:42](#)

ايه ده! ايه يا بنتي اللي انت عاملاه ده! ايه الجرأة اللي انت فيها على الله ده! والناس اللي واقفة في الشارع قاعدة تبص لها بجرأة لا تقل عن جرأتها على الله! لغاية ما تيجي واحدة اجراً من - [00:41:02](#)

انها على الله في لبسها يسبوا دي ويقعدوا يبصوا للتانية مستنقع مستنقع والعياذ بالله. ايه ده! ايه ده يا اخوانا! يا جماعة احنا احنا الجرأة اللي على الله. ايام ما طلع البنتاجون ولو تعرفوا يعني ايام ما كانت عندنا في مصر البنتاجون وطلعت - [00:41:12](#)

والشباب بدأ يشتغل فيها ويتاجر فيها. انك تلاقي واحد يقول لك حرام ولا حلال! هو المال الحرام بينفع يا جماعة! المال الحرام بينفع! الحديث بتاع النبي عليه الصلاة والسلام لما غلام - [00:41:27](#)

سرق حنة من الغنائم وبعد كده مات في الغزوة. فالصحابه بيقولوا هنيئا لا الرسول قال لا. ان الشملة التي اشتملها حنة الغنائم اللي سرقها لتستعر عليه نارا في قبره خافي. لو فضلت بشعرك شعرك يستعر عليك نارا في قبرك. خافي لو فضلت بالبنطلون اللي بتلبسه يستعير عليه - [00:41:37](#)

نارا في قبرك. خاف لو فضلت بتركب العربية اللي جبتها من مال حرام تستعر عليك نار في قبرك. خاف لو فضلت تمسك ايد فلانة اللي ما فيش اي علاقة شرعية بينك وبينك - [00:41:57](#)

بينك وبينها ايدك تستاهل عليك نار في قبرك. خافوا يا جماعة حاسب. حاسب يا حبيب قلبي من اي بصة اترحمت تبصها. ترجعك في التزامك خمس سنين ورا. وحسب من اي لبس - [00:42:07](#)

ربنا سماه تبرج. لان الرسول قال العنوهن فانهن ملعونات. بتلعن. تخيلي واحدة ملعونة وقفت بين ايدين ربنا تتحاسب يوم القيامة هيعمل فيها ايه؟ وهو لعنها في الدنيا. هيعمل فيها ايه؟ هي جرأتنا على الله. كفاية جرأة على ربنا بالمعاصي. انت عارف لما -

[00:42:17](#)

ربنا بيغضب بيحصل ايه؟ لما ربنا غضب على فرعون جبريل بقى بينجأ بقى بيحط في بقه الطين وهو بيغرق مخافة ان يقول لا اله الا الله. لما جنرال في تركيا اغضبوا ربنا ورموا المصحف على الارض ربنا لما غضب زلزال في اربعين سانية موت اربعين الف واحد. لما

ربنا بيغضب السرطان بتاع الاطفال بيبقى له معهد قومي - [00:42:35](#)

والطقس بيتغير وتبقى الدنيا نار بعد ما كان الطقس جميل واحسن من كده الف مرة. والمرض بينتشر والزرع ما عدش الارض بتطلع الزرع بتاع زمان. والمطر بيقل كل حاجة بتبوز والمزاج والبطالة لما ربنا بيغضب. يا جماعة لما واحد بيروح مفتش في الشغل ويلاقي الموزف مقصر بيعمل له لفت نظر. تسعين في المية من عقوبات - [00:42:55](#)

لفت نظر المادتين اللي سقطت فيهم وتأخر الجواز والشغلانة اللي انت مش عارف تمشي فيها. كل ده لفت نظر. انما لو ربنا غضب اجارنا الله. اجارنا الله وتعالى. انت عارف رقابة ربنا عليك قد ايه؟ رقابة ربنا علي قد ايه ازاي؟ يا حبيب قلبي ده انت اعضائك دي هتشهد عليك يوم القيامة. يعني ايه - [00:43:15](#)

يعني دي كاميرات مراقبة. يعني ايدي دي كاميرات مراقبة لي. يعني يعني رجلي دي كاميرة مراقبة لي. ده انت بتراقب بجسمك ده انت بتراقب من جواك. هتروح فين؟ انت تعرف ان في ملكين بيراقبوا وكل حاجة بتعملها يعني ايه؟ يعني تخيل انك رحت تشتغل شغلانة معينين لكل موزف في المصلحة دي موزفين اتنين واقفين على - [00:43:35](#)  
عشان يسجلوا عليك كل حاجة بيعملها. يا نهار ابيض! ايه ده! وده ممكن يحصل ربنا عملها معنا. سبحانه وتعالى. تخيل انت مراقب قد ايه بقى؟ يبقى المهمة بتاعتك خطيرة جدا - [00:43:55](#)

انت مراقب لدرجة ان ربنا نفسه مراقبك. اتقى عين الله. اتقى عين الله. الى تجعل الاهون الناظرين اليك. اتقوا نظر الله اليك يا جماعة في اي معصية احنا يا اخوانا عايزين نعرف ربنا عايزين نعرفه انا كلمتكم لمحات سريعة عن ربنا انما احنا ان شاء الله معنا السلسلة داهية شعرنا فيها عايزين نوصل في - [00:44:05](#)

طريق ربنا سبحانه وتعالى. شعرنا فيها مناية وصل لك يا رب. الشعار ده هيفضل معنا لآخر السلسلة بازن الله. السلسلة ديت هدفها ان احنا نوصل لربنا بقلوبنا. هنتكلم ان شاء الله - [00:44:25](#)  
وبازن الله بازن الله المرة الجاية ان ربنا اذن عن السقة في الله. ازاي نتعلم السقة في ربنا؟ بعد كده الاخلاص لله. خشية الله. حب الله. الافتقار الى الله. اليقين - [00:44:35](#)

ازاي المعاني دي تملى قلوبنا؟ ازاي نوصل للمعاني اللي الصالحين لما وصلوا لها حياتهم كلها اتغيرت؟ ازاي نتعلم على باب نقف نتعلم ان احنا نقف على باب لغاية ما ربنا ينزل هذه المعاني في قلوبنا والباب يتفتح لنا. هنتكلم عن السلسلة دي يا جماعة زي ما باقول لكم عشان نوصل لربنا بقى السلسلة اللي فاتت بتاعة بداية الهداية - [00:44:45](#)  
كنت بتكلم ان احنا نبدأ مع بعض. نبدأ مع بعض الاول في بداية الهداية. الجزء التسعة وعشرين فعلا جزء نعمة البداية. وكان مليون كلام عن الدار الاخرة الجنة والنار. ولكن بقى السلسلة - [00:45:05](#)

بتاعتنا دي كلام عن الله. الله! الملك الجليل سبحانه وتعالى. انا كلمتكم النهاردة عن ايه؟ انت عارف حب ربنا لك قد ايه. قد ايه بيحبك قد ايه ممكن العرش يهتز لموتك من حبك؟ من حب ربنا لك. انت عارف نعمة ربنا عليك قد ايه. بص في المستشفيات كل مرض واحد ابتلي به - [00:45:15](#)

نعمة من نعم ربنا اللي اداها لك بس انت مش حاسة بها. انت عارف رحمة ربنا سبحانه وتعالى. بك قد ايه؟ قد ايه الملك الجليل سبحانه رحيم بنا يا جماعة - [00:45:35](#)

رحمة عظيمة. انت عارف كرم ربنا سبحانه وتعالى قد ايه؟ انت عارف كرم ربنا الجليل اللي منه جعلناه سميعا بصيرا. كرمه في الدنيا ويوم القيامة انت عارف حكمة ربنا قد ايه اوعى اوعى تسخط في ابتلاء. انت عارف عزمة ربنا قد ايه عايزكم تفتكروا وانتم بتقولوا سبحان الله وبحمده طول اليوم او ازكار الصباح والمساء - [00:45:47](#)

عايزكم تفتكروا انتم بتقولوا سبحان ربي الاعلى الستة وثلاثين مليار سنة ضوئية اللي مليونين ملايكة زي منزر الحرم بالزبط ليلة سبعة وعشرين. انت عارف قدرة ربنا قد ايه المية مليار نيزك وشهاب اللي بيطوفوا في الكون دول وممكن يترجم بهم اي عاصي. ربنا قدير يا جماعة. وجسمك اللي مليون بقدرة الله انا يا عم وانت قاعد دلوقتي ربنا - [00:46:07](#)

يا جماعة اللي ربنا شفاها من السرطان واللي ربنا شفاه من العمى. ربنا قدير يا جماعة. لا تلتفتوا عن الله فيلتفت الله عنكم. اوعوا اللي ضيع ابليس انه التفت عن - [00:46:27](#)

ربنا لنفسه وقال انا انا خير منه. اللي خرج ادم من الجنة انه التفت للشجرة. اوعى تلتفت للدنيا. اوعى تلتفت لاي حاجة غير ربنا. استقيم ثم استقاموا اقبل على ربنا. قل له عجلت اليك ربي لترضى عشان يقول لك اني اصطفيتك على الناس. يصطفيك بما يشاء من

العطايا والمنح والهبات والنفحات. يستفيض - 00:46:37

في رمضان. عايزين في رمضان تبقي تقدري تطلعي الاولى على القرآن وقرآنية القرآن في البلد بتاعتك تقدر تبقي في كل اللي انت هتتعرفهم الاول في الخشوع في صيام تقدري تبقي الاولى في التهجد تقدر في رمضان الجاي تبقي الاول في عدد ختمة القرآن. تقدر تبقي الاول في الاعتكاف تقدري هنعلم ايه في رمضان الجاي يا جماعة؟ السلسلة دي هتفهم - 00:46:57

اعداد القلب القلبي بعد ما خلصنا الكلام بتاع الكلام عن صفات الله سبحانه وتعالى. النبي نخرج بقى الدنيا من قلوبنا شوية بقى. شهر ونص قبل رمضان وشهر رمضان نخرج الدنيا - 00:47:17

عليه الصلاة والسلام بيقول لو ان الدنيا تعدل عند الله جناح بعوضة. جناح بعوضة ما سقى منها كفر. جناح بعوضة ده النبي جمع فيه اوصاف الدنيا كلها معجز ده كلام النبي. ايه البعوضة دي؟ اول حاجة البعوضة دي في المستنقعات يعني قزارة وحقارة دي الدنيا -

00:47:29

تاني حاجة البعوضة دي بتنقل الامراض امراض القلب. اللي ربنا هيشوفها في قلبك ساعة ما تتعرض عليه لو موجودة. ابعد عنها عشان ما تتعاديش والعياز بالله. عشان العدوى الوباء اللي عند البعوض ده بعد كده البعوضة دي كائن كريبه جدا عند الناس. تكرهه جدا جدا. قال لها ببقى الدنيا دي المفروض نفر منها اصلا. البعوضة دي لما تدخل اوضة والبعوضة تقعد - 00:47:45

تزن تتنبه لها وتتشغل على الباقي هي بتشغلك عن الحاجات المهمة كده. والبعوضة دي بتموت بسرعة جدا. دورة حياتها قصيرة جدا. الدنيا زائدة بسرعة بتروح بسرعة بتضيع كل حاجة بتنتهي بسرعة خليك في الباقي بقى. خليك مع الباقي الملك الجليل سبحانه وتعالى. والبعوضة دي حجمها بالنسبة للاوضة زي حجم الكرة الارضية - 00:48:05

بالنسبة للسماء بالظبط فالبعوضة دي حقيرة جدا الدنيا دي حقيرة ولا تستاهل ولا تسوى والله يا جماعة. والبعوضة دي تخيل لو واحد واخذ كرسي كل يوم وطالع على مستنقع ويقوم حاطط الكرسي ويقعد هايم يا عيني قاعد يبص للمستنقعة. ايه يا ابني ما لك؟ بحب بعوضة هنا هوة وكل يوم عشر ساعات اقعد ابص لها. بس هي ترضى - 00:48:25

تقولوا عليه مجنون مجنون حد يحب الدنيا. حد يحب الدنيا يا جماعة؟ ولا واحد قاعد يجري عشان يشتري جناح بعوضة؟ يعمل به ايه؟ حد يحب الدنيا. كل واحد مننا في حياته - 00:48:45

ايه البعوضة اللي في حياتك؟ ايه البعوضة اللي في حياتك؟ ايه جناح البعوضة اللي معطلك عن ربنا سبحانه وتعالى؟ احدى النساء

جوزها جاب لها طقم آآ الماز. الماز وهو فالصو - 00:48:55

واحد اربع سنين من الجواز اكتشفت انه فالسوق. يوم ما جابه لها كان احساسها ايه كل ما تعرضوا على الناس والناس تنبهر الناس تيجي تقول ايه؟ وهي فرحتها شكلها ايه؟ كل يومين تفتح الدولار وتطمئن على طقم الماظ. ساعة ما اكتشفت انه - 00:49:07

يا ترى كان احساسها ايه؟ يا ترى كانت صدمتها ايه؟ يا جماعة الدنيا فالصو اللي احنا بنحسبها الماظ دي. فيه ناس فضلت مخدوعة فيها طول عمرها ولما نزلت قبر اكتشفت انها فالصو. الست دي فاقت بعد اربع سنين. فيه ناس ما بتفوقش غير يوم القيامة. فيه ناس ما بتفهمش انها فارص غير يوم القيامة. عايزين نعرف حقيقة الدنيا - 00:49:23

احد الملوك الملك حسين ولا احد الملوك قبل ما يموت دخل عليه الدكاترة قالوا له انت ممكن تعيش عشر سنين بس تتنازل عن ملكك. يقول ايه؟ يقول اعيش ساعة وخدوا ملكي - 00:49:43

يعني انت عمرك ده شهر ونص اللي بنتكلم عليه ده وشهر رمضان ان ربنا احيانا اغلى من ملك ملوك الدنيا كله يا جماعة. عايزين نستغل عمرنا عايزين نفوق. احنا كان بيدخل عمارة العمارة ممكن اساسها متين جدا بس نبهر بالديكور والنقش والنحف رغم ان الاساسي هو هو المتانة. احنا كزلك في دينا احنا بنبص للديكور - 00:49:53

شكل اللحية شكل النقاب شكل مش عارف ايه. كلمات الالتزام. انما فين يا جماعة الاساس الحقيقي؟ قلبي وقلبك. عايزين نفوق لقلوبنا بقى. يا جماعة الطاعة اجمل من المعصية زي ما الدنيا اجمل من الجنة. يا بنتي يا حبيب قلبي يا والدي في الله. الطاعة اقوى من المعصية زي ما ربنا اقوى من ابليس. يا جماعة - 00:50:13

والله العظيم ما لنا نجاة في الآخرة غير بالعمل الصالح. عمك الصالح هو اللي ينفعك. عمك الصالح هو اللي يقف بينك وبين النار حجاب. هو اللي هينزل معك قبرك. هو اللي هيعرض معك على الله. عمك - [00:50:33](#)

الصالح لما الانسان ييموت واهله يجروا في الجنائز وتصريح الدفن والدفن ما فيش حد بيعمله عمر صالح خلاص عمك الصالح هو اللي هينفعك. يا جماعة عايزين نفوق عايزين نفوق في - [00:50:43](#)

بالله سبحانه وتعالى. عايزين نفوق عشان كده سلسلة منا يوصل لك. السلسلة اللي في الطريق الى الله. منطلقين في الطريق الى الله سبحانه وتعالى. برغبة عارمة في الوصول الى الله سبحانه وتعالى هيبقى شعارنا الشهر ونص دهو كله منايا يوصل لك يا رب. مناانا يوصل لك. مناكي توصلي له ويقبلك. وشعار حياتك يقبلني يا رب - [00:50:53](#)

ما تعملي اي حاجة عشان يقبلك وهتضحى باي حاجة بينك وبينه عشان يقبلك ويفتح لك بابه رمضان جاي يا جماعة. اخطر موسم واطخر نقلة في الامة جاي. اخطر نفحات خدوا بالكم رمضان دا فتح. والله العزيم ما مزاجك خطاه ربنا فيه. قسما بالله - [00:51:13](#)

ما بمزاجك هتقدر تفوزي بليلة القدر فيه. رمضان يا جماعة فتح من ربنا. هنصبر في هنتشغل عشان ربنا يفتح علينا ولا لا؟ على قدر مقام الله عندك على قدر مقامك عند - [00:51:28](#)

الله. لو ربنا عظم في قلوبنا الفترة دي ربنا هيفتح لنا في رمضان. وده هدف الشهر والنص الجاي. ان احنا نجيب اخرنا في الاستعداد لرمضان. ان احنا نقتل نفسنا في رمضان - [00:51:38](#)

طب يا دوبك نستعد يا دوبك يدوبك والله العزيم لو انت عايز تسافر السعودية بالعربية بتاعتك والعفشة بايزة والمكنة عايزة عمرة والبطارية نايمة ويا دوبك شهر ونص تعمل يدوبك نعمل عمرة ونصلح قبل رمضان. وبازن الله سبحانه وتعالى على موقع وي تو الله وي تو الله او الطريق الى الله. دوت كوم على الموقع ده. يعني انا عامل سلسلة جديدة بازن الله - [00:51:48](#)

ما اصلاحات قبل رمضان. ازاي نصلح قبل رمضان؟ غير السلسلة بتاعة قناة الرحمة. وعامل سلسلة جديدة ان شاء الله اسمها افتح لقلبك. ايه المشاكل اللي معطلاني عن ربنا عشان ننطلق - [00:52:08](#)

لربنا في رمضان. افتح لقلبك الشباب بيعتوا مشاكلهم اللي معطلاهم ونجاوب عليها. فعايزين يا اخواننا ننطلق بازن الله. اللي عايز يدخل معنا ويشاركنا في برنامج فرسان رمضان على موقع والله ان شاء الله يدخل ويشاركنا وينشر الخير اللي موجود ده في المدينة بتاعته وفي البلد بتاعته بازن الله سبحانه وتعالى. رمضان على الابواب. سلسلة منا يوصل لك بدأت - [00:52:18](#)

بازن الله سبحانه وتعالى طريق الى الله سبحانه وتعالى خلاص هناخد لربنا خطوة مش منا نوصل لربنا هناخد له خطوة. اول خطوة ايه؟ الورقة اللي الواحد كاتبها ومرعوب طول الطريق وعايز اوزع ورقة على كل اخ جاي معي عشان - [00:52:38](#)

ويديها لي قبل ما ندخل تلتاشر واربعتاشر وخمستاشر. يوم الاربوع والخميس والجمعة تلات تيام بياعدوا وجهك متين وعشرة سنة عن النار بازن الله وعن لفح جهنم لازم نتدرب على الصيام من دلوقتي عشان رمضان يا جماعة هيبجي في الحر لازم نتدرب من الوقت بازن الله تلتاشر واربعتاشر وخمستاشر الوقت المباشر. باتكلم معكم - [00:52:52](#)

اهو مش مسجل زي الحلقتين اللي فاتوا. مباشر بازن الله. يوم الاربوع والخميس والجمعة او عوا تتوانوا غير صيام الاثنين طبعا ما ننساهوش بازن الله. باوصيكم قبل ما اقبلكم الجمعة الجمعة الجاية ان شاء الله. الخطوة اللي هناخدها لربنا الاسبوع ده كمان. ان بعد كل صلاة هنبداً بقى من اول الوقت حالا هو. هتبدأ من اول الوقت حالا هو ان شاء الله. وبعد كده الفجر الثانية بعد كل صلاة -

[00:53:12](#)

ربع قرآن واحد بس بخشوع. في في اليوم خمس تربع اهوات بازن الله زائد قيام الليل بقى اللي هنقراه زائد باقي القرآنية. انما بعد كل صلاة ربع قرآن نقرأه ليه - [00:53:32](#)

عشان نجدد الايمان في قلوبنا عشان نشحن قلوبنا بكتاب ربنا سبحانه وتعالى. يعني خلاص يا جماعة رمضان قرب والسلسلة بدأت والوقت خلص زي ما بيشارورا لي من ورا الكاميرا الوقتي. وجه ميعاد فضيلة الشيخ احمد بعد بازن الله سبحانه وتعالى ربنا يسدد كل الدعاء اليه يا رب. ويفتح علينا جميعا - [00:53:42](#)

يا رب ويفتح على الامة جميعا ويجعل رمضان نصر وفتح مبين. على الامة يا رب وعلى غزة وفلسطين والعراق. وعلى دين الشباب  
وايمان الشباب باذن الله سبحانه وتعالى اللهم تب علينا اللهم صلنا بك اللهم وصلنا اليك اللهم اصلح قلوبنا امر قلوبنا اهد قلوبنا. اللهم  
اجعلنا - 00:54:00

مخلصين لك مخلص مخلصين لك. اللهم اهدنا وسددنا ويسر الهدى لنا. واستعملنا ولا تستبدلنا وافض على قلوبنا من انوارك اللهم  
اصطفينا اجتبيينا استعملنا اصطنعنا لنفسك اصنعنا على عينك. اجعلنا باعينك يا رب العالمين. اللهم تولى امورنا - 00:54:20  
اللهم اجعل اللهم بلغنا رمضان واجعله فتحا علينا في ايماننا. اللهم بلغنا رمضان وافتح على قلوبنا فيه. اللهم بلغنا ليلة القدر واجعلنا  
من الفائزين فيها وفي رمضان اللهم يا رب اللهم ارزقنا الفهم والعزيمة يا ارحم الراحمين. اللهم استعملنا لطاعتك ليلا ونهارا. اللهم  
اجعلنا من الصومين - 00:54:40

ومين الذاكرين الشكارين برحمتك يا ارحم الراحمين. اللهم اهدنا اللهم املاً قلوبنا بانوار القرآن. اللهم اهد صدورنا بانوار القرآن اللهم  
اهد ابصارنا واسماعنا بانوار القرآن. اللهم اعمر حياتنا بانوار القرآن. اللهم احي قيامنا وليلنا - 00:55:00  
بانوار القرآن. اللهم اطلق لساننا وصدورنا بالقرآن برحمتك يا ارحم الراحمين موعدا باذن الله سبحانه وتعالى الجمعة الجاية مع الثقة  
في الله ان شاء الله. سبحانك اللهم وبحمدك. اشهد ان لا اله الا انت. استغفرك واتوب اليك - 00:55:20  
وجزاكم الله خيرا - 00:55:39